



## Cumunu de Biddaspitziosa

Ofitziu de sa Lìngua Sarda

Bibrioteca comunali

### Is bias de Biddaspitziosa

George Steiner, uno scriidori frantzesu, in su libru suu *Una certa idea d'Europa* (Garzanti, 2006) contat cumenti is arrugas de is tzitadis e de is biddas de Europa portint nòminis de genti de su passau, contras a is arrugas de is tzitadis e de is biddas de is Stadius Unius chi portant nòmini de nùmurus, matas o forris.

Po cussu, imoi bieus unus cantu nòminis de arrugas de genti sarda chi teneus in Biddaspitziosa.

#### **Giovanni Maria Angioy**

Bono 1751 – Parigi 1808.

Eroi de sa natzioni sarda, cabu de sa furriada sarda de su 1794-1796, illuminista e independentista.

#### **Salvatore Cambosu**

Oroteddi 1895 – Nùgoro 1962.

Scriidori de su movimentu de s'Arrealismu sardu (cumenti Giuseppe Fiori e Maria Giacobbe), sa prus obra sua connota est *Miele amaro*.

#### **Antioco Giuseppe Casula** (allomingiau **Montanaru**)

Dèsulu 1878 – Dèsulu 1957.

Poeta in sardu logudoresu, sa prus arregorta sua famada est sa primu e totu, *Boghes de Barbàgia*, de su 1904.

#### **Grazia Deledda**

Nùgoro 1871 – Roma 1936.

Scriidora de su movimentu de su Berismu, at contau sa sostiedadi brabaxina e at pigau su prèmiu Nobel po sa literadura in su 1926. De su 1900 a innantis at bìviu in Roma sempri.

#### **Giuseppe Dessì**

Casteddu 1909 – Roma 1977.

Scriidori de su movimentu de s'Arrealismu sardu, at passau sa giovunesa in Biddexidru e sa prus obra sua connota est *Paese d'ombre*.

### **Salvatore Farina**

Sorso 1846 – Milano 1918.

Scriidori e giorronalistu, at bìviu su prus in Piemonti e in Milanu e in su 1876 at fundau, impari a atrus, *Il Corriere della Sera*. At scritu arromanzus popularis chi a su tempus bendiant meda meda.

### **Raimondo Fresia**

Biddaspitziosa 1888 – Casteddu 1961.

Predi, su prus in sa crèsia de Uda. Scriidori de comèdias sardas, chi ndi faiat fintzas is cantzonis, is ballus, is bistiris, s'arregia e totu cantu.

### **Antoni Gramsci**

Abas 1891 – Roma 1937.

Filòsofu e politicu. Fundadori de su *Partito Comunista d'Italia* e de *L'Unità*. Su fascismu ddu fait presoneri politicu e sa prus obra sua famada est *Quaderni*. S'arregorta de litras a sa famìllia, de pagu est bessia tradùsia in sardu campidanesu (AMOS CARDIA e PIETRO PERRA, *Sa mata de s'arritzoni*, Iskra, Ghilarza, 2010).

### **Emilio Lussu**

Armungia 1890 – Roma 1975.

Scriidori e politicu. Fundadori de su *Partito Sardo d'Azione* e de *Partito Socialista di Unità Proletaria*. Su fascismu ddu fait presoneri politicu e sa prus obra sua famada est *Un'anno sull'altipiano*.

### **Francesco Ignazio Mannu**

Otieri 1758 – Casteddu 1839.

Eroi de sa natzioni sarda, illuminista e independentista, de is cabus de sa furriada sarda de su 1794-1796. Sa prus obra sua famada est *Su patriotu sardu a sos feudatàrios*, chi ddi nant *Procurade de moderare* puru.

### **Peppino Mereu**

Tonara 1872 – Tonara 1901.

Poeta in sardu logudoresu, de su movimentu de sa Scapigliatura e de sentidu sotzialista. Sa prus poesia sua famada est *A Nanni Sulis*, chi ddi nant *Nanneddu meu* puru.

### **Sebastiano Satta**

Nùgoro 1867 – Nùgoro 1914.

Giorronalista, abogau, poeta e narradori. Su traballu suu est arrelatau a strintu a sa sotziedadi de Nùgoro e de Brabaxa. Sa prus obra sua famada est *Il giorno del giudizio*.

### **Giovanni Spano**

Piaghe 1803 – Casteddu 1878.

Predi, archiòlogu e senadori, dirigidori de s'Universidadi de Casteddu. Sa prus obra sua famada est *Vocabolario sardo-italiano e italiano-sardo*.